

SECRETARIAT

Il secretariat es üna part da la chanzlia cumünala.

In seguit preschantaina il singuls chomps da lavur.

Administraziun generala

Quist chomp da lavur es fich grond e varià. Ün pêr exaimpels: cumbinar termins per sezzüdas, sriver invids, reservar localitats, organisar aperitivs. Il secretariat prepara eir la spediziun collec-tiva p. ex. dal material da vuschar. El maina plünavant üna glista da las societats in cumün ed es respunsabel pellas contribuziuns cha quellas survegnan per lur activitats (surveglianza, exami-naziun da las dumondas).

Uffizi social

Eir quist sector cumpiglia bleras differentas lavurs. El s'occupa tanter oter cul agüd social e'ls alimaints anticipats, cumprais l'inchasch resp. las restituziuns.

Giarsuns

Üna persuna dal secretariat es respunsabla pels giarsuns da commerzi. Ella organisescha ils dis d'insaj, publichescha las plazzas avertas e fa tuot las lavurs in connex culla tscherna d'ün nou giarsun. Ella accompogna ils giuvenils d'ürant tuot il giarsunadi.

Permiss d'ustaria

Il secretariat fa tuot ils sclerimaints necessaris, examinescha la documainta inoltrada e fa üna proposta per mans da la direcziun. El scriva davo eir il permiss. Quai vala per ustarias stablas sco eir per ustarias occasionalas (ustarias da festa).

Sgüranzas

Il secretariat es respunsabel per tuot las sgüranzas da chosas e da respunsabilità dal cumün. El maina ün inventar da tuot ils ogets sgürats ed ha la survista da las polissas. Schi capita ün don fa'l tuot ils pass necessaris fin cha'l cas es reglà.

Pro'l secretariat sun occupadas 2 personas cun ün pensum total da 180 %. Ils giarsuns da com-merzi passaintan 6 mais da lur terz on pro'l secretariat. D'ürant quist temp es respunsabel il secretariat pella scolaziun pratica.